

He Kupu tenei ki te Pihopa kia tirohia e ia me kore e marama he tikanga e whai mana ai etahi o nga kai-karakia, ehara nei i te Minita, ki te iriiri i te tamaiti e tata ana ki te mate, i te mea kahore rawa he Minita i reira.

Whakaaetia ana.

Kei konei ka nukuhia te Hui ki te 8 o nga ra o Tihema.
I panuitia, i whakapummautia 8 Tihema, 1883.

W. L. WILLIAMS,
Upoko.

8 TIHEMA, 1883.

I huihui ano ki te Whare-karakia i te 10 o nga haora.

Timataia ana e te Upoko ki te Inoi; muri iho ka panuitia, ka whakapumautia nga tuhituhinga o nga mahi onanahi.

I panuitia te korero a te Komiti i whiriwhiria hei tiro tiro i te mahinga a nga Pariha i nga whakahaunga a te Hui.

Ko te kupu i whakaaria inanahi i nukuhia nei ki tenei ra pooti ai, i makaa ki te Hui a *whakaaetia ana*.

I whakaaria e Pineamine Huhu i tautokona e Ruteno Te Aihu, Minita;

He kupu tenei ki te Pihopa, ki nga kaumatua o te Hahi, kia puta he tono ki te Komiti perehi Paipera, kia perhitia ki te reo Maori nga pukapuka e whakahaua nei etahi upoko kia korerotia i roto i te Karakia, kahore nei aua pukapuka e kitea ki roto ki te Paipera Maori.

Whakaaetia ana.

II E K O R E R O

na te Komiti i whiriwhiria hei tiro tiro i te mahinga a nga Pariha i nga whakahaunga o te Hui.

Kua uiuia nga tangata o ia Pariha o ia Pariha i roto i tenei Takiwa, kua kitea hoki kei te kore tonu ano he Whare-Karakia i etahi wahi otiia ko etahi, kua timata te hanga. Kei te penoi ano etahi wahi i te Whare-Minita; kotahi te mea i kitea kei te whakaorangia nga wahi pakaru.

He Kura Ratapu mo nga tamariki, kei nga kainga nunui anake; ko etahi kainga, kahore rawa; ina hoki e 45 nga kainga e huihui nei te tangata i nga Ratapu, 14 rawa ia nga kura tamariki.